

中國文學精華

秦漢三國文評註讀本

下 冊

民國二十
八月

印刷
發行

中國文學精華
秦漢三國文評註讀本（全二冊）

◎

實價國幣四角

（郵運匯費另加）



輯注者 中華書局

發行者 中華書局有限公司
代表人 陸費逵

印刷者 中華書局印刷所
上海 澳門 路

總發行處 上海福州路 中華書局發行所

分發處 各埠 中華書局

秦漢三國文評註讀本 卷二

書牘

遺章邯書

章邯字少榮，秦將，與項羽戰鉅鹿及棘原。時趙高專權，邯有所請，不用，遂降羽。羽立爲雍王，王咸陽以西，都廢

邱，後爲漢將韓信所滅。

陳餘

漢大梁人，好儒術，初與張耳爲刎頸交，秦滅魏，購耳餘兩人，乃變姓名俱亡陳，爲里門監。後復奔趙，趙王立爲

代王。漢攻趙，張耳斬餘於泜水上。

白起爲秦將，南征鄢郢，北阮馬服，攻城略地，不可勝記；而竟賜死。蒙恬爲秦將，北逐戎人，開榆中地數千里，竟斬陽周。何者？功多，秦不能盡封，因以法誅之。今將軍爲秦將三歲矣，所亡失以萬數，而諸侯並起，滋益多。彼趙高素諛日久，今事急，亦恐二世誅之，故欲以法誅將軍以塞責，使人更代將軍以脫其禍。

一夫將軍居外久，多內郤，隙通有功亦誅，無功亦誅。且天之亡秦，無愚智皆知之。今

將軍內不能直諫，外爲亡國將，孤特獨立，而欲常存，豈不哀哉？將軍何不還兵，與

諸侯爲從，同約共攻秦，分王其地，南面稱孤，此孰與身伏鈇膚質，妻子爲僇乎！

就秦之酷待功臣，及郿一身之利害，代爲計較，尺幅中卻具無數層折，增一字不能，減一字不得，是之謂簡潔。

【註釋】【白起】郿人，善用兵，事秦昭王，戰勝攻取，凡七十餘城，封武安君，後忤昭王，賜劍自殺。

【馬服】謂馬服君趙奢之子趙括也。長平之役，秦軍射殺趙括，阬其降卒四十萬人。趙奢見賈誼過秦論上。

【戎人】秦使蒙恬將三十萬衆，北逐戎

狄。【榆中】即榆林塞，今蒙古鄂爾多斯，黃河北岸之地。蒙恬累石爲城，樹榆爲塞。

【趙高】見孔融肉刑議。【諸侯並起】時武臣王趙，田儻王齊，韓廣王燕，魏咎王魏，景駒王楚，韓成王韓，以及項羽沛公等，相繼起兵。

【鈇鑕】（公羊傳注）腰斬之刑也。

賜南粵王趙佗書

南粵王，姓趙名佗，真定人。秦時爲南海龍川令。二世時，天下亂，南海尉任囂病且死，召佗行尉

事，教以絕關自備。佗因自立爲南粵武王。高帝十一年，遣陸賈立佗爲南粵王，賈令佗稱臣奉漢約。高后臨朝之五年春，佗自

尊爲南粵武帝，攻長沙邊邑。文帝立二年，爲佗親探在真定者，置守邑，歲時奉祀，召其昆弟厚賜之，遣陸賈使南粵，賜之書。

漢文帝

名恆，高祖中子，初封代王。絳灌輩平諸呂之亂，迎立之，在位二十三年。

皇帝謹問南粵王，甚苦心勞意。

朕、高皇帝側室之子，棄外奉北藩於代，道里遼遠，壅蔽樸愚，未嘗致書。高皇帝棄羣臣，孝惠皇帝卽世，高后自臨事，不幸有疾，日進不衰，以故諄讀如暴乎治，諸呂爲變，故亂法，不能獨制，乃取他姓子，爲孝惠皇帝嗣。賴宗廟之靈，功臣之力，誅之已畢。朕以王侯吏不釋之故，不得不立；今卽位。

乃者聞王遺

下去聲下同

將軍隆慮侯書，求親昆弟，請罷長沙兩將軍。朕以王書，罷

將軍博陽侯，親昆弟在眞定者，已遣人存問，修治先人塚。前者聞王發兵於邊，爲寇災不止。當其時，長沙苦之，南郡尤甚。雖王之國，庸獨利乎？必多殺士卒，傷良將吏，寡人之妻，孤人之子，獨人父母，得一亡十，朕不忍爲也。朕欲定地犬牙相入者，以問吏。吏曰：『高皇帝所以介長沙土也。』朕不得擅變焉。吏曰：『得王之地，不足以爲大；得王之財，不足以爲富。』服領以南，王自治之。雖然，王之號爲帝——

兩帝並立，亡無通一乘去聲之使，以通其道，是爭也；爭而不讓，仁者不爲也。願與王分

棄前患，終今以來，通使如故。故使賈馳諭，告王朕意。王亦受之，毋爲寇災矣。

上褚展切五十衣，中褚三十衣，下褚二十衣，遺王。願王聽樂娛憂，存問鄰國。

立言得體，不亢不卑，和婉中卻有嚴正氣象，那得不令老佗心折？

【註釋】側室之子。初，高帝召薄姬，幸之。姬曰：「昨夢蒼龍據吾腹。」帝曰：「此貴證也，吾爲汝成之。」一幸遂生文帝。【棄外奉

北藩於代】棄外封之於外也。高帝十一年冬，破陳豨，定代，立帝爲代王，代地在北，故曰北藩。【孝惠皇帝】名盈，高帝子，在位

七年。【高后】呂氏，名雉，惠帝母也。自少帝元年，臨朝稱制，八年而崩。【諱】亂也。【諸呂】產祿輩也。【他姓子】指少帝。

初，高后命惠帝后張皇后，取他人子養之，而殺其母，以爲太子。及惠帝崩，遂即位。【王侯吏不釋之故】高后崩，諸大臣謀立帝。

代郡張武，請帝無往。宋昌極陳迎立之故。至長安渭橋，太尉勃跪上天子璽符。帝西向讓者三，南向讓者再，乃即天子位。【隆慮侯】

周禮也。即高后所遣擊佗者，隆慮，在今河南林縣。【求親昆弟二句】佗之昆弟在故鄉者求之，而兩將軍將兵擊南粵者罷之。

【真定】西漢國，今河北正定縣南。【博陽侯】將兵擊粵者。【發兵】即指高后五年事。【犬牙相入】言兩地毗連，彼此

相錯如犬牙也。【介】隔也。【服領】領，山名，長沙南界也。見《前漢書南粵王傳注》。【賈】陸賈，楚人，以客從高祖定天下，有口

辯，嘗使南粵，招諭趙佗，拜大中大夫。所著書號《新語》，共十二篇。【褚】以緇裝衣也。【鄰國】謂東越及甌駱等。

報文帝改帝號書

陸賈至南粵，王恐，乃頓首謝，願奉明詔，長爲藩臣，奉貢職，因以書報帝云。

趙佗

蠻獠大長老夫臣佗，駝昧死再拜，上書皇帝陛下：

老夫故粵吏也。高皇帝幸賜臣佗璽，以爲南粵王，使爲外臣，時內同貢職。孝惠皇帝卽位，義不忍絕，所以賜老夫者厚甚。高后自臨用事，近細士，信讒臣，別異蠻獠，出令曰：『毋予蠻獠外粵金鐵田器馬牛羊；卽予，予牡，毋予牝。』老夫處僻，馬牛羊齒已長，自以祭祀不脩，有死罪。使內史藩、中尉高、御史平，凡三輩，上書謝過，皆不反。又風聞老夫父母墳墓已壞削，兄弟宗族已誅論。吏相與議曰：『今內不得振於漢，外無以自高異。』故更平號爲帝——自帝其國，非敢有害於天下也。高皇后聞之，大怒，削去南粵之籍，使使不通。老夫竊疑長沙王讒臣，故敢發兵以伐其邊。

且南方卑溼；蠻獠中，西有西甌，歐其衆半羸，南面稱王；東有閩粵，其衆數千人，亦稱王；西北有長沙，其半蠻獠，亦稱王。老夫故敢妄竊帝號，聊以自娛。老夫身

定百邑之地，東西南北數千萬里，帶甲百萬有餘，然北面而臣事漢，何也？不敢背先人之故。老夫處粵四十九年，於今抱孫焉；然夙興夜寐，寢不安席，食不甘味，目不視靡曼之色，耳不聽鐘鼓之音者，以不得事漢也。今陛下幸哀憐，復故號，通使漢如故。老夫死骨不腐，改號不敢爲帝矣。

謹北面因使者，獻白璧一雙，翠鳥千，犀角十，紫貝五百，桂蠹一器，生翠四十雙，孔雀二雙。——昧死再拜，以聞皇帝陛下。

此與前書鍼鋒相對。帝旣推誠，佗亦悅服，詞氣之間，似極低首下心，而仍含有兀傲本色，洵工力悉敵之作。

【註釋】【細士】小人也。【長沙王譏臣】高后時，有司請禁粵關市鐵器。佗曰：『高皇帝立我通使物。今高后聽譏臣，別異蠻夷，隔絕器物，此必長沙王計，欲倚中國，擊滅南海，并王之自爲功也。』【西甌】故城在今廣西貴縣南。（元和志）嶺南道邕領貴州，本西甌賂越地。【羸】弱也。【靡曼】美色也。【紫貝】海介蟲，可爲酒杯，大者吹以節樂。【桂蠹】桂樹中蝸蟲也，此蟲食桂，故味辛，漬之以蜜食之。漢舊當以猷陵廟，載以赤轂小車。

獄中上書自明

鄒陽

漢臨淄人。景帝時仕吳，以文辯知名。吳王陰有邪謀，上書諫，不聽。去之梁，從孝王游，爲羊勝等所誣，下獄。上書

自陳。王出之，待爲上客。

臣聞忠無不報，信不見疑；臣常以爲然，徒虛語耳！昔者荆軻慕燕丹之義，白虹貫日，太子畏之；衛先生爲秦畫長平之事，太白食昴，昭王疑之。夫精誠變天地，而信不諭兩主，豈不哀哉？今臣盡忠竭誠，畢議願知，左右不明，卒從吏訊，爲世所疑，是使荆軻先生復起，而燕、秦不寤也。願大王執察之！昔玉人獻寶，楚王誅之；李斯竭忠，胡亥極刑。是以箕子陽狂，接輿避世，恐遭此患。願大王察玉人、李斯之意，而後楚王、胡亥之聽，毋使臣爲箕子、接輿所笑。臣聞比干剖心，子胥鴟夷，臣始不信，乃今知之。願大王執察，少加憐焉。

語曰：『白頭如新，傾蓋如故。』何則？知與不知也。故樊於期逃秦之燕，藉荆軻首以奉丹事；王奢去齊之魏，臨城自剄，景以卻齊而存魏。夫王奢、樊於期，非新於齊、秦，而故於燕、魏也；所以去二國，死兩君者，行合於志，而慕義無窮也。是以

蘇秦不信於天下，爲燕尾生；白圭戰亡六城，爲魏取中山。何則？誠有以相知也。蘇秦相燕，人惡之於燕王，燕王按劍而怒，食聲去以馱決騏題。白圭顯於中山，人惡之於魏文侯，文侯投以夜光之璧。何則？兩主二臣，剖心析肝相信，豈移於浮辭哉？

故女無美惡，入宮見妒；士無賢不肖，入朝見嫉。昔者司馬喜膾腳於宋，宰相中山；范雎摺脅折齒於魏，卒爲應侯；此二人者，皆信必然之畫，捐朋黨之私，挾孤獨之交，故不能自免於嫉妒之人也。是以申徒狄蹈雍之河，徐衍負石入海，不容身於世，義不苟取比聲去。周於朝，以移人主之心。故百里奚乞食於路，穆公委之以政；寧戚飯聲上牛車下，而桓公任之以國；此二人者，豈素宦於朝，借譽於左右，然後二主用之哉？感於心，合於意，堅如膠漆，昆弟不能離，豈惑於衆口哉？故偏聽生姦，獨任成亂。昔魯聽季孫之說，逐孔子；宋信子冉之計，囚墨翟。夫以孔墨之辯，不能自免於讒諛，而二國以危。何則？衆口鑠式灼金，積毀銷骨也。是以秦用戎人由余而霸中國，齊用越人子臧而彊威宣。此二國，豈拘於俗，牽於世，繫奇偏之辭哉？公

聽並觀，垂名當世。故意合則胡越爲昆弟，由余子臧是矣；不合，則骨肉爲讐敵，朱象管蔡是矣。今人主誠能用齊秦之明，後宋魯之聽，則五霸不足侔，三王易辟去比也。

是以聖王覺悟，捐子之之心，而不悅田常之賢，封比干之後，修孕婦之墓，故功業覆於天下。何則？欲善無厭也。夫晉文公親其讎，而彊霸諸侯，齊桓公用其仇，而一匡天下，何則？慈仁殷勤，誠嘉於心，此不可以虛辭借也。至夫秦用商鞅之法，東弱韓魏，立彊天下，而卒車裂之；越用大夫種之謀，禽擒同勁吳而霸中國，遂誅其身。是以孫叔敖三去相而不悔，於烏陵子仲辭三公爲人灌園。今人主誠能去驕傲之心，懷可報之意，披心腹，見情素，墮肝膽，施德厚，終與之窮達，無愛於士，則桀之狗可使吠堯，而跖之客可使刺由；何況因萬乘之權，假聖王之資乎？然則荆軻湛同七族，要平離燔煩妻子，豈足爲大道哉？

臣聞明月之珠，夜光之璧，以暗投入於道，衆莫不按劍相眄覷者，何則？無因

而至前也。蟠木根柢，輪囷離奇，而爲萬乘去聲器者，何則？以左右先爲之容也。故無因而至前，雖出隨侯之珠，夜光之璧，祇足結怨而不見德；故有人先游，則枯木朽株，樹功而不忘。今天下布衣窮居之士，身在貧賤，雖蒙堯舜之術，挾伊管之辯，懷龍逢龐比干之意，而素無根柢之容，雖竭精神，欲開忠於當世之君，則人主必襲按劍相眄之跡矣。是使布衣之士，不得爲枯木朽株之資也。是以聖王制世御俗，獨化於陶鈞之上，而不牽乎卑辭之語，不奪乎衆多之口。故秦皇帝任中庶子蒙嘉之言，以信荊軻之說，而匕首竊發；周文獵涇渭，載呂尙而歸，以王天下。秦信左右而亡，周用烏集而王，何則？以其能越拘攣呂員切之語，馳域外之議，獨觀於昭曠之道也。今人主沈詔諛之辭，牽於帷廕同之制，使不羈之士，與牛驥同皁，此鮑焦所以忿於世也。

臣聞盛飾入朝者，不以私汙義；砥厲名號者，不以利傷行。故里名勝母，曾子不入；邑號朝歌，墨子迴車。今欲使天下恢廓之士，誘於威重之權，脅於位勢之貴，

回面汗行以事詔諛之人，而求親近於左右，則士有伏死堀穴巖藪之中耳。安有盡忠信而趨闕下者哉？

引證繁富，不見堆疊痕跡，妙有大氣以包舉之。

【註釋】【白虹貫日】白虹，兵象，日爲君。荆軻行後，太子相氣見白虹貫日不徹，曰：『吾事不成矣。』【太白食昴】太白，卽金星。

也。昴星，趙分野，將有兵，故太白食昴。白起爲秦伐趙，破長平軍，欲遂滅趙，遣衛先生說昭王，益兵糧，爲應侯所害，不成，其精誠上達於天，

故太白爲之食昴。【諭】曉也。【畢議願知】盡其計議，願王知之。【左右不明】言左右不敢斥王也。【孰】審也。【玉

人二句】見孔融肉刑議。【李斯二句】李斯諫二世以正，而二世殺之，具五刑。【箕子陽狂】箕子，殷太師，諫紂被囚，陽狂

爲奴。【接輿】見東方朔答客難。【比干剖心】見王逸楚辭章句敘。【子胥鴟夷】見東方朔答客難。【白頭二句】

或久交而如新，或一見而如故。傾蓋，猶交蓋，駐車也。（家語）孔子之鄉，遭程子於途，傾蓋而語，終日甚相親。【樊於期】秦將，被讒走

燕，始臯滅其家，又重購之。燕遣荆軻刺秦王，於期自刎，令齋首往。【王奢】齊臣，亡至魏。其後齊伐魏，奢登城謂齊將曰：『今君之來，不

過以奢故也，義不苟生，且爲魏累，遂自刎。』【蘇秦爲燕尾生】服虔曰：『蘇秦於秦不出其信，於燕則出尾生之信也。』尾生，古之

信士，守志亡軀，故以爲喻。【白圭爲魏取中山】白圭爲中山將，亡六城，君欲殺之，亡入魏，文侯厚遇之，撥拔中山。【馱駝】馱

駝，良馬也，言不聽讒言，而更賜以珍味也。【司馬喜】六國時人，三相中山。【臏脚】（文選注）脫去人之臏也，臏，膝蓋也。【范

雎摺脅】摺脅，漢拉脅，摧也。范雎，魏人，魏相魏齊疑其以國陰事告齊，乃掠笞數百，拉脅折齒，後入秦爲相，封應侯。【中徒

狄蹈雍之河【申徒狄，殷末介士也。河水溢出爲小流，曰雍，言狄初因蹈雍，遂入大河。】**【徐衍】**周末人，負石入海，見論語識。

【百里奚乞食】百里奚，虞人也，聞繆公賢，欲往干之，乞食以自致。**【寧戚飯牛】**齊桓公夜出迎客，戚寧疾擊其牛角，商歌曰：

『南山矸（矸，與岸同），白石爛，生不遭堯與舜禪，短布單衣適至飢（飢，脛也），從昏飯牛薄夜半，長夜曼曼何時旦！桓公召與語，

悅之，以爲大夫。】**【魯聽季孫逐孔子】**季孫，魯大夫季桓子也，名斯（論語）齊人歸女樂，季桓子受之，三日不朝，孔子行。桓子故使

定公受齊之女樂，借此令孔子行也。**【子冉】**子罕也。**【衆口鑠金二句】**見中山靖王開樂對。**【由余】**見李斯諫逐客書。

【威宣】齊威王嬰齊，宣王辟疆也。**【朱象管蔡】**朱，丹朱，堯子。象，舜弟。管蔡，周二叔也。**【子之】**燕王噲，賢其相子之，欲禪

以燕國乃大亂。**【田常】**陳恆也。齊簡公悅之，而恆卒弑簡公。**【修孕婦墓】**紉刳孕婦而觀其胎。武王克商，反其故政，乃封修

之。**【晉文公親其讎】**寺人物，爲晉獻公逐文公，斬其袂。及文公即位，用其言，以免呂卻之難。**【齊桓公用其讎】**管仲

射中桓公帶鉤而用爲相。**【商鞅】**見賈誼過秦論上。**【大夫種】**見粵有三仁對註。**【孫叔敖】**叔敖三爲楚相，而三去之。狐丘

之封人謂之曰：『吾聞處官久者，士妒之；祿厚者，衆怨之；位尊者，君恨之。今相國有此三者，而不得罪於楚之士衆，何也？』叔敖曰：『吾

三相楚，而身愈卑，每益祿而施愈博，位滋尊而禮愈恭，是以不得罪於楚人也。』**【於陵子仲】**於陵，地名。子仲，陳仲子也。兄戴爲齊

相，仲子以爲不義，乃將妻子適楚，居於於陵。楚王聞其賢，欲聘爲相，不許，遂逃而爲人灌園。**【無愛於士】**愛，吝惜也。**【跖】**盜跖。

【由許由】**【荆軻湛七族】**荆軻爲燕刺秦始皇，不成而死，其族坐誅。湛，沒也。七族，上至曾祖，下至曾孫。**【要離燔妻子】**

吳王闔閭欲殺王子慶忌，要離詐以罪亡，令吳王燔其妻子。要離走見慶忌，以劍刺之。**【蟠木根柢】**蟠木，屈曲之木也。柢，根。下本

也。**【輪囷】**委曲然戾也。**【先爲之容】**猶云先爲之道地也。**【隨侯之珠】**註見李斯諫逐客書。**【伊管】**伊尹，管仲。

【龍逢】龍逢姓關，諫桀不聽，爲桀所殺。【開】謂陳說也。【陶鈞】陶家名模，下圓轉者爲鈞，蓋取周回調鈞耳。言聖王制馭天

下，亦猶陶家轉鈞也。【中庶子蒙嘉】中庶子，秦官名（戰國策）荆軻既至秦，厚遺秦王寵臣中庶子蒙嘉，嘉爲先言於秦王曰：「燕

願舉國爲內臣，謹斬樊於期頭，及獻燕之督亢地圖，函封，使使以聞大王。」【匕首】短劍也，其首類匕，使於用也。【涇渭】二水

名，在今陝西省。【呂尚】西伯用，遇呂尚於渭之陽，與語大悅，因載歸。【烏集】言文王之得太公，若烏鳥之暴集，見漢書音義。

【牽帷啓之制】言爲陪侍帷幄之臣，妾所牽制也。【阜】極也。【鮑焦】周之介士，鮑焦怨時之不用己，採蔬於道，子貢難曰：

「非其時而採其蔬，『焦棄其蔬，立枯於洛水之上。』【砥厲】言其自修廉隅，若磨厲於石也。【勝母】曾子至孝，以勝母之名不

順，故不入。【朝歌】（淮南子）墨子非樂，不入朝歌，朝歌，殷邑，在今河南淇縣。

上書諫吳王

吳王濞怨望，謀爲逆，乘上書諫之。

枚乘

漢淮陰人，字叔，爲吳王濞郎中。王有異謀，上書諫，不納。去之梁，孝王尊爲上客。善屬文，嘗作七發，景帝時，選爲

宏農都尉，以病免。武帝卽位，乘年已老，以安車蒲輪徵之，道卒。

臣聞得全者昌，失全者亡。舜無同立錐之地，以有天下；禹無十戶之聚，以王

諸侯；湯武之士，不過百里；上不絕三光之明，下不傷百姓之心者，有王術也。故

父子之道，天性也。忠臣不避重誅，以直諫，則事無遺策，功流萬世。臣乘願披心腹

而効愚忠，惟大王少加意念惻怛之心於臣乘言。

夫以一縷之任，係千鈞之重，上懸之無極之高，下垂之不測之淵，雖甚愚之人，猶知哀其將絕也。馬方駭，鼓而驚之；係方絕，又重鎮之。係絕於天，不可復結；墜入深淵，難以復出；其出不出，閒不容髮。能聽忠臣之言，百舉必脫。必若所欲爲，危於累卵，難於上天；變所欲爲，易擊去於反掌，安於泰山。今欲極天命之上壽，弊無窮之極樂，究萬乘擊去之勢，不出反掌之易，居泰山之安，而欲乘累卵之危，走上天之難，此愚臣之所大惑也。

人性有畏其影而惡其迹，卻背而走，迹逾多，影逾疾；不如就陰而止，影滅迹絕。欲人勿聞，莫若勿言；欲人勿知，莫若勿爲。欲湯之滄，創一人炊之，百人揚之，無益也；不如絕薪止火而已。不絕之於彼，而救之於此，譬猶抱薪而救火也。養由基，楚之善射者也，去楊葉百步，百發百中——楊葉之大，加百中焉——可謂善射矣。然其所止，乃百步之內耳；比於臣乘，未知操弓持矢也。福生有基，禍生有胎，納

其基，絕其胎，禍何自來哉？

太山之雷通溜穿石，單極之綆梗斷幹，河漚切水非石之鑽，索非木之鋸，漸尖靡

使之然也。夫銖殊銖而稱之，至石必差；寸寸而度入聲之，至丈必過；石稱丈量，徑

而寡失。夫十圍之木，始生如蘖，足可搔而絕，手可擢而抓。蚤據其未生，先其未形，

磨礪砥礪，不見其損，有時而盡；種樹畜養，不見其益，有時而大；積德累行，不知其

善，有時而用；棄義背佩理，不知其惡，有時而亡。臣願大王孰計而身行之，此百世

不易之道也。

層層比喻，名言至理，讀之惟恐其盡。

【註釋】【弊】猶盡也。【究】竟也。【滄】寒也。【養由基】楚大夫。《戰國策》蘇厲謂周君曰：養由基善射，去柳葉百步而

射，百發百中。【未知操弓持矢句】乘自言所知者遠，非止見百步之中，故謂由基為不曉射也。【納】猶藏也。【雷】滴小

也。【單極之綆斷幹】西方人名屋梁為極，單，一也。梁，井鹿盧也，汲水之器。綆，索也。幹，井上木闌也，常為汲索所契傷也。【靡】

磨切也。【銖】十黍為彙，十彙為銖。【石】百二十斤也。【徑】直也。【蘖】芽之旁出者。【搔】謂抓也。【擢】拔也。

【抓】招也。